



COMUNE DE PÀDRIA

(Provìntzia de Tàtari)

Pratza de su Comune – Pàdria – Tel. 079807018 – - E Mail :sociale@comune.padria.ss.it

SA DE XXIV EDITZIONES DE SU PRÈMIU LITERÀRIU GURULIS VETUS

BANDU PÙBLICU ANNU 2026

“SA POESIA PRO SU CANTU”

In ammentu de Gavino De Lunas

Su Comune de Pàdria at preparadu su bandu de sa de XXIV editziones de su Prèmiu Literàriu Gurulis Vetus, dedicadu a su poeta padriesu Gavino De Lunas, e emitit su regulamentu relativu

REGULAMENTU

1. Su Cuncursu est abertu a totu sas òperas non publicadas, mai presentadas o premiadas in àteros cuncursos, redatzionadas in totu sas variedades de sa limba sarda.
2. Sas òperas, iscritas a màchina e presentadas in **Chimbe còpias**, ant a dèvere èssere annoditadas cun unu pseudònimu o dae unu mutu.
3. Nùmene, sambenadu, pseudònimu, indiritzu e nùmeru de telèfono de s'autore ant a dèvere èssere intro de una busta bene serrada. Un'àtera busta at a cuntènnere s'òpera e sa prima busta e at a dèvere èssere imbiada a sa Segretèria Organizativa de su Prèmiu “Sa poesia pro su cantu”, in su Comune de Pàdria, intro e no a fora de su **19/06/2026**.
4. **Su Cuncursu previdit una Setzione Ùnica: SA POESIA PRO SU CANTU**, dedicata a su Cantadore padriesu **GAVINO DE LUNAS**.
5. Onni cuncurrente podet imbiare finas a su màssimu duos cumponentos. Su tema est liberu, o ùnicu pro totu s'òpera o diferente pro onni istrofa, s'istruccura poètica e mètrica de sa cale siat cunforme a s'usàntzia esecutiva de sos Cantadores a chiterra.
6. Sos Mutos ant a pòdere àere unu mutu ùnicu perlongadu.
7. Si racumandat de respetare sas indicatziones chi s'ghint:

Cantu in Re	Finas a 6 otavas
Nuoresa	Finas a 10 cuartinas
Mutos	Finas a 8 sestinas o mutu sighidu
Filonzana	Finas a 6 otavas
Mi e La, Fa Diesis e Si Bemolle	Finas a 8 sestinas
Disisperada	Finas a 6 otavas
Ninnidos, Duruduru, Atìtidos	Màssimu 40 versos

AVERTÈNTZIAS

Est agradèssida sa tradutzione in limba italiana e si diat consigiare s'ispiegatzione de tèrmines particulares chi oramai non s'impitant piusu (glossàriu).

Sas òperas presentadas, premiadas o nono, non sunt vinculadas dae perunu deretu de autore e abarrant de proprietade de ssu Comune, chi las at a pòdere gestire pro calesiat punna culturale.

MODALIDADE DE PARTETZIPATZIONE

Totus podent partetzipare e a manera gratùita. No ant a èssere atzetados iscritos chi siant istados premiados in àteras iniziativas o cuncursos e chi siant istados publicados in cale si siat forma.

SA GIURIA DE SU PRÈMIU

Sa Giuria est cumposta dae istudiosos e espertos de limba sarda, chi ant a valutare sos iscritos e ant a indicare sos binchidores. Su giudìtziu de sa Giuria non si podet pònnere in duda.

Sa giuria at a pòdere a manera dàbile propònnere sinnalatziones de mèritu a testos a sos cales non siat mai istadu assignadu unu de sos prèmios prevididos.

PREMIATZIONE

Sa congruida de sa manifestatzione e sa cunsinna de sos prèmios at a èssere sa **die 23/08/2026**. Si cumbidant totu sos partetzipantes a su cuncursu a èssere presentes a sa tzerimònia de premiatzione a sa cale at a sighire unu cumbidu.

A totu sos binchidores at a èssere imbiada comunicatzione (telefònica o pro mèdiu de e-mail) de sos resurtados de su Prèmiu, cun indicatzione de sa data e de su logu de sa tzerimònia de premiatzione. Sos prèmios ant a dèvere èssere ritirados de persona dae sos binchidores, o in casu de impèdumu, dae una persona dae issos dessinada.

Sos prèmios ant a èssere assignados a sos primos tres classificados a sa manera chi s'ighit:

1° Prèmiu	€ 500,00
2° Prèmiu	€ 300,00
3° Prèmiu	€ 200,00

Sa Giuria si riservat sa facultade de dare àteros prèmios/donos pro sas mentziones e/o sinnalatziones de mèritu.

Sa Giuria, in casu de ausèntzia de sos cuncurrentes premiados durante sa tzerimònia, si riservat de tratènnere su prèmiu e de protzèdere, posca, a sa cunsinna de s'atestadu de partetzipatzione.

Sas òperas ant a dèvere arrivare a sa: Segreteria Organizzativa de su Cuncursu "Sa poesia pro su cantu" in su Comune de Pàdria – Pratzza de su Comune 1 – 07015 PÀDRIA

Info: Tel: 079 807018

SU DE ATZETARE SAS NORMAS DE SU CUNCURSU E AMPARU DE SA PRIVATESA

Sa partetzipatzione a su Cuncursu cajonat de atzetare a manera prena sa connoschèntzia de sas normas indicadas in custu bandu. Sos partetzipantes dant su cunsensu issoro a su tratamentu de sos datos personales cunforma a su Regulamentu UE n. 679/216 (GDPR).

Custu bandu at a pòdere èssere abbaidadu in su giassu de su Comune de Pàdria www.comune.padria.ss.it

Sos binchidores s'impinnant a imbiare sas òperas premiadas in formadu digitale pro sa publicatzione.